

**2020KO APIRILAREN 8AN GOBERNU BATZARRAK EGINDAKO OHIKO BILERAREN
AKTA**

MODUA: Telematikoki

EGUNA: Zortzia

HILABETEA: Apirila.

URTEA: Bi mila eta hogei.

HASIERAKO ORDUA: Arratsaldeko zortziak hogeita bos gutxi.

BATZARRALDIAREN IZAERA: Apartekoa

DEIALDIA: Lehena

OSATZEN DUTEN PARTAIDEEN KOPURUA: Bost (5)

MAHAIBURUA: Aitor Aldasoro Iturbe (EAJ-PNV)

BILDUAK: Leire Artola Ugalde (EAJ-PNV)

Malu Valles Fernandez (EAJ-PNV)

Nerea Manzisidor Mendizabal (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

1.- ZERBITZU KONTRATUAK ETETEA. (2020IDBO0010)

Ezagutzera eman da Alkatearen proposamena:

“Gaia: zerbitzu kontratu publikoak etetea.

AURREKARIAK

I.- Gaur egun, Udalak 17 zerbitzu-kontratu administratibo ditu sinatuta, indarrean daudenak. Eranskin gisa erantsi da horien zerrenda.

II.- Gainera, zerbitzu emakida kontratua dago, Antzizar kiroldegiaren zerbitzu integrala emateko Beasain Lanzen, S.A.k esleitua.

III.- 17 kontratu horien kontratazio-organoa honako hau da:

- Alkatea: kontratu 1.
- Tokiko Gobernu Batzarra: 10 kontratu.
- Osoko bilkura: 6 kontratu

IV.- Gobernu Batzordeari honako hauek dagozkio:

- 1.- Errefortzu linguistikoa.
- 2.- Kale hezitzaileak.
- 3.- Arriskuak antzematea eta su detektagailuak.
- 4.- Egitasmo Orokorra.
- 5.- Karpak instalatzea.
- 6.- Aholkularitza urbanistikoa.
- 7.- Isunen errekaudazioa eta errekaudazio exekutiboa.
- 8.- TAO
- 10.- Usurbe zinemaren kudeaketa.

OINARRI JURIDIKOAK

- Martxoaren 14ko 463/2020 Errege Dekretuaren arabera, COVID-19k eragindako osasun-krisia kudeatzeko alarma-egoera dago, eta, horren ondorioz, honako hauek eragiten diote kontratu horiek gauzatzeari:

- Art. 6: administrazioei ahalmena ematen zaie beren zerbitzuak kudeatzeko beharrezkoak diren neurriak hartzeko.

- Art. 7: pertsonen zirkulazio-askatasuna mugatzen da, a) eta h) bitarteko paragrafoetan zerrendatutako jarduerak egiteko izan ezik.

- Art. 9: aurrez aurreko hezkuntza-jarduera eten egiten da, eta urrutiko modalitatea eta "on line" modalitatea baimentzen dira.

- 10. artikulua: agintari eskudunaren iritziz kutsatzeko arriskua ekar dezakeen edozein jarduera edo establezimendu eten egiten da. Ekipamenduez gain, eranskinean zerrendatutako jarduerak.

- Hirugarren Xedapen Gehigarria: administrazio-epeak etetea.

- Laugarren Xedapen Gehigarria: preskripzio- eta iraungitze-epeak etetea.

- Eranskina: jendearentzat irekita dauden ekipamenduen eta jardueren zerrenda. Horien artean, zinema eta erakusketa aretoak, museoak, monumentuak esparru irekiak eta bide publikoak, ostalaritza, jatetxea.

- Martxoaren 17ko 8/2020 Errege Lege Dekretuak (COVID-19ren inpaktu ekonomiko eta sozialari aurre egiteko premiazko ezohiko neurriak), 34. artikuluan, kontratazio publikoaren arloko neurriak arautzen ditu COVID – 19ren ondorioak arintzeko.

- 476/2020 Errege Dekretua, martxoaren 27koa, alarma-egoera luzatzen duena.

- 10/2020 Errege Lege Dekretua, martxoaren 29koa, oinarrizko zerbitzuak ematen ez dituzten besteren konturako langileentzako baimen ordaindu berreskuragarria arautzen duena, herritarren mugikortasuna murrizteko COVID-19ren aurkako borrokaren testuinguruan.

- Martxoaren 31ko 11/2020 Errege Lege Dekretuak, COVID-19ri aurre egiteko gizarte- eta ekonomia-arloan premiazko neurri osagarriak hartzen dituenak: Lehenengo Azken Xedapenak, 8/2020 Errege Lege Dekretuaren 34. artikulua aldatzen du.

COVID-19k eta egoera hori arautzen duen araudiak sortutako alarma-egoerak eragin zuzena du Udalaren eta enpresa kontratisten artean sinatutako zerbitzu-kontratuetan.

8/2020 Errege Lege Dekretuaren 34. artikuluari, 11/2020 Errege Lege Dekretuak emandako azken erredakzioa ondorengoa da:

“1. Los contratos públicos de servicios y de suministros de prestación sucesiva, vigentes a la entrada en vigor de este real decreto-ley,quedarán suspendidos total o parcialmente desde que se produjera la situación de hecho que impide su prestación y hasta que dicha prestación pueda reanudarse. A estos efectos, se entenderá que la prestación puede reanudarse cuando, habiendo cesado las circunstancias o medidas que la vinieran impidiendo, el órgano de contratación notificara al contratista el fin de la suspensión.

Quando con arreglo a lo dispuesto en el párrafo anterior, la ejecución de un contrato público quedará totalmente en suspenso, la entidad adjudicadora deberá abonar al contratista los daños y perjuicios efectivamente sufridos por éste durante el periodo de suspensión, previa solicitud y acreditación fehaciente de su realidad, efectividad y cuantía por el contratista. Los daños y perjuicios por los que el contratista podrá ser indemnizado serán únicamente los siguientes:

1.º Los gastos salariales que efectivamente hubiera abonado el contratista al personal que figurara adscrito con fecha 14 de marzo de 2020 a la ejecución ordinaria del contrato, durante el período de suspensión.

2.º Los gastos por mantenimiento de la garantía definitiva, relativos al período de suspensión del contrato.

3.º Los gastos de alquileres o costes de mantenimiento de maquinaria, instalaciones y equipos relativos al periodo de suspensión del contrato, adscritos directamente a la ejecución del contrato, siempre que el contratista acredite que estos medios no pudieron ser empleados para otros fines distintos durante la suspensión del contrato.

4.º Los gastos correspondientes a las pólizas de seguro previstas en el pliego y vinculadas al objeto del contrato que hayan sido suscritas por el contratista y estén vigentes en el momento de la suspensión del contrato.

En caso de suspensión parcial, los daños y perjuicios a abonar serán los correspondientes conforme al presente apartado de este artículo a la parte del contrato suspendida.

La aplicación de lo dispuesto en este apartado solo procederá cuando el órgano de contratación, a instancia del contratista y en el plazo de cinco días naturales hubiera apreciado la imposibilidad de ejecución del contrato como consecuencia de la situación descrita en su primer párrafo. Con esta finalidad el contratista deberá dirigir su solicitud al órgano de contratación reflejando: las razones por las que la ejecución del contrato ha devenido imposible; el personal, las dependencias, los vehículos, la maquinaria, las instalaciones y los equipos adscritos a la ejecución del contrato en ese momento; y los motivos que imposibilitan el empleo por el contratista de los medios citados en otro contrato. Las circunstancias que se pongan de manifiesto en la solicitud podrán ser objeto de posterior comprobación. Transcurrido el plazo indicado sin notificarse la resolución expresa al contratista, esta deberá entenderse desestimatoria.”

Martxoaren 31n, Udalak artikulu horretan adierazitakoa jakinarazi zien kontratistei. Gaur egun, horietako batzuek kontratua etetea eskatu dute, baina kontua da kontratu batzuek gauzatzea ezinezkoa bihurtu dela, kasu guztietan osorik ez bada ere, neurri batean bai, dekretatutako neurriak aplikatzearen ondorioz.

Ondorioz, honako erabaki hau hartzea proposatzen zaio kontratazio-organismoari (Osoko Bilkurari):

Lehenengoa. Honako kontratu hauek ez direla etengo deklaratzeari, honako arrazoi hauengatik:

1.- Beasainen euskara hizkuntza errefortzua behar duten haurrentzako zerbitzua emateko kontratua.

463/2020 Errege Dekretuaren 9 artikuluak eragiten dio kontratu honi (aurrez aurreko hezkuntza-jarduera eten da, urrutiko modalitatea eta "on line" modalitatea baimenduta).

Enpresa kontratistak, 2020-04-02ko idazki baten bidez, zerbitzua telematikoki ematea proposatzen du. Kontratua ez da eteten, baina horren ardura duen teknikariak, faktura ordaintzeko, kontratuaren xede osoa betetzen ari dela adierazitako moduan egiaztatu beharko du.

2.- Beasaingo udalerrian gizarte- eta hezkuntza arloan eta arlo psikosozialean esku-

hartzeko zerbitzuaren kontratua.

Kontratuan eragina dute ondorengoek: 463/2020 Errege Dekretuaren 7. artikulua (personen zirkulazio-askatasuna mugatzen da, a) eta h) bitarteko paragrafoetan zerrendatutako jarduerak egiteko izan ezik), eta 10 artikulua (agintari eskudunaren iritziz kutsatzeko arriskua ekar dezakeen edozein jarduera edo establezimenduen etetea).

Enpresa kontratistak 2020-04-02an sinatutako idazkiaren bidez adierazi du zerbitzua telematikoki ematen ari dela langileei dagokienez, eta posta elektronikoaren eta bideo-deien bidez erabiltzaileei dagokienez. Kontratuaren arduradunak, 2020-04-02an, aldeko txostena eman du eta adierazi du kontuan hartuta zerbitzua zein kolektibori zuzenduta dagoen kontratua ez etetea proposatu du.

3.- Gizarte premiak eta arriskuak antzemateko eta etxeko suteak aurreikusteko zerbitzua emateko kontratua.

Kontratuan eragina dute ondorengoek: 463/2020 Errege Dekretuaren 7. artikulua (personen zirkulazio-askatasuna mugatzen da, a) eta h) bitarteko paragrafoetan zerrendatutako jarduerak egiteko izan ezik), eta 10 artikulua (agintari eskudunaren iritziz kutsatzeko arriskua ekar dezakeen edozein jarduera edo establezimenduen etetea).

Enpresa kontratistak, 2020-04-1ean sinatutako idazkiaren bidez, adierazi du 2019. urteari dagokiona gauzatu dagoela eta 2020. urteari dagokion zerbitzua ematen hasiko dela azaroan. Kontratuaren arduradunak, 2020-04-02an, aldeko txostena eman zuen eta kontratua ez etetea proposatu zuen.

4.- Beasaingo Hiri Antolamenduko Plan Orokorra idazteko kontratua.

Martxoaren 14ko 463/2020 Errege Dekretuaren hirugarren xedapen gehigarriak (administrazio-epeak etetea) eragiten dio kontratuari. Aurrerapenari buruzko iradokizunak aurkezteko epea 2020-03-17an amaitu zen, eta, arrazoi horregatik, 2020-03-14an eten egin zen epe hori. Ondorioz, ezin da txostenik egin aurkeztutako iradokizunei buruz, ezta ere "irizpide eta heldburrak" onartu ondoren hasierako onarpenerako dokumentua idazteko.

Kontratistak, 2020-04-02ko idazkiaren bidez, kontratua ez eteteko eskatu zuen, muga batzuekin bada ere, Plan Orokorra idaztearekin bat etor zitezkeelako.

Ordainketa, lanen entrega partzialekin egiten denez (kasu honetan, Aurrerakinarekiko aurkeztutako iradokizunen txostena entregatuz), ez dago arrazoirik kontratua etenda geratzeko, baina kasu honetan gertatzen dena da kontratista berandutzen ari dela, COVID-19ren edo horri aurre egiteko hartutako neurrien ondorioz. Horren ondorioa izango litzateke kontratuaren epea luzatzea, dagokion prozedura izapidetu ondoren (8/2020 Errege Lege Dekretuaren 34,2 artikulua).

5.- Beasaingo Udalaren hirigintza-arloko laguntza teknikoa zerbitzua emateko kontratua.

Martxoaren 14ko 463/2020 Errege Dekretuaren 7 artikulua (personen zirkulazio-askatasuna mugatzen da, 463/2020 Errege Dekretuaren a) eta h) bitarteko ataletan eta Hirugarren Xedapen Gehigarrian (administrazio-epeak etetea) eragiten dio kontratu honi.

Enpresa kontratistak, 2020-04-1ean sinatutako idazkiaren bidez, kontratua eteteko eskatu du, zerbitzua telematikoki gauzatea ezinezkoa delako honako arrazoi hauengatik: lana egiteko dokumentazio guztia eta aurrekari guztiak ez daude euskarri elektronikoan, udal-langileekiko eta beste administrazio batzuetako langileekiko koordinazioa mugatuta dago eta lantokirako joan-etorria oso murriztuta dago.

Kontratazio-organoaren ustez, ordea, aurreko kasuan bezala, kontratista berandutzen ari da, COVID-19ren edo horri aurre egiteko hartutako neurrien ondorioz. Horren ondorioa izango litzateke kontratuaren epea luzatzea, Horregatik, ez da onartu aurkeztutako eskaera, eta kontratu ez etetea erabaki da.

6.- Beasaingo udalerrian antolatutako ekitaldietarako agertokiak eta karpak alokatzeko eta elementu horiek eta udal jabetzako antzeko beste elementu batzuk muntatzeko eta desmuntatzeko (elementu horiek egoki mantentzeko lanak barne) zerbitzuaren kontratua.

Kontratuan eragina dute ondorengoek: 463/2020 Errege Dekretuaren 7. artikulua (pertsonek zirkulazio-askatasuna mugatzen da, a) eta h) bitarteko paragrafoetan zerrendatutako jarduerak egiteko izan ezik), 10 artikulua (agintari eskudunaren iritziz kutsatzeko arriskua ekar dezakeen edozein jardura edo establezimenduen etetea) eta Eranskinean zerrendatzen diren jarduerak (esparru irekiak eta bide publikoak: berbenak, desfileak eta jai herrikoiak edo manifestazio folklorikoak).

Hala ere, kontratistak, 2020-04-02ko idazki baten bidez, kontratua ez eteteko eskatu zuen.

Kontratuaren arduraduna den, Zerbitzuburuak, 2020-04-02ko txostenaren bidez, adierazi du zerbitzua Udalaren eskariz ematen dela, beharren arabera eta kontratuak ez duela aurrez ezarritako fakturaziorik aurreikusten, baizik eta emandako zerbitzu bakoitzeko fakturatzeko dela. Une honetan, bide publikoan edozein ekitaldi egitea ezinezkoa denez, ez dago inolako eskaerarik Montai Produkzioak SLrekin sinatutako kontratuaren xedearekin lotuta.

Kontratistaren eskaera baiesten da, eta ez da kontratua etetzen.

Bigarrena. Honako kontratu hauen etendura osoa edo partziala deklaratzeko (kasuaren arabera), honako arrazoi hauengatik:

7.- Zirkulazioko eta TAOko isunen zerbitzua (borondatezko eta nahitaezko bilketa) eta Beasaingo Udalaren eta haren erakunde autonomoen zerga eta zuzenbide publikoko beste sarrera batzuen nahitaezko bilketa kudeatzeko laguntza-zerbitzuaren kontratua.

Martxoaren 14ko 463/2020 Errege Dekretuaren 7 artikulua (pertsonek zirkulazio-askatasuna mugatzen da, 463/2020 Errege Dekretuaren a) eta h) bitarteko ataletan eta Hirugarren Xedapen Gehigarrian (administrazio-epeak etetea) eragiten dio kontratu honi.

Enpresa kontratistak, 2020-04-01ean, behar bezala arrazoitutako idazki baten bidez, eta 8/2020 Errege Lege Dekretuaren 34. artikulua kontratua eteteko eskatzen du.

Adierazitako arrazoiengatik, argi dago kontratua ezin dela gauzatu. Ondorioz, eskatutako kontratua etetea onartu da. Etenaldia 2020-03-14an hasiko da, osasun-krisia amaitu arte.

8.- Beasaingo udalerrian parke, lorategi, berdegune eta bide-zuhaitzak mantentzeko zerbitzuaren kontratua.

Kontratuan eragina dute ondorengoek: 463/2020 Errege Dekretuaren 7. artikulua

(pertsonen zirkulazio-askatasuna mugatzen da, a) eta h) bitarteko paragrafoetan zerrendatutako jarduerak egiteko izan ezik), 10 artikulua (agintari eskudunaren iritziz kutsatzeko arriskua ekar dezakeen edozein jarduera edo establezimenduen etetea). Baita ere eragina du, 10/2020 Errege Dekretu Legegileak (uler daiteke ez dela nahitaezko zerbitzua).

2020-04-03an, enpresa kontratistak, idaziak (sinatu gabea), sarrera izan du, behar bezala arrazoituta eta 8/2020 Errege Lege Dekretuaren 34. artikulua arabera, kontratua partzialki eteteko eskatzen du, ezin baita osorik gauzatu. Esaten du:

- Gutxieneko zerbitzuak egin izana lorezaintzari eta desinfekzio-lanei dagokienez, baldintza-agiri teknikoaren 3.1.15 artikulua arabera, lan horiek kontratoaren xedearren barruan daude.
- Horretarako, langile batzuk enplegatzen ditu (4 langile), eta gainerakoak baimen ordaindu berreskuragarriaren figurari atxikiko zaizkio.
- Alarma-egoera amaitzen denean, orain egin ezin izan diren lanek areagotu egingo dituzte egin beharreko lanak.

Hori guztia berretsita eta hobeto zehaztuta geratu da 2020-04-03an zerbitzuburuak egindako txostenean. Adierzi du, martxoaren 25az geroztik kontratua gauzatzen ari dela, berari atxikitako plantillaren % 44,44ko dedikazioarekin.

Adierazitako arrazoiengatik, kontratua ezin da osorik gauzatu. Ondorioz, eskatutako kontratua partzialki etetea onartu da. Etenaldia 2020-03-25ean hasiko da, osasun-krisia amaitu arte.

9.- Beasaingo bide publiko jakin batzuetan ibilgailuak aparkatzea kontrolatzeko, mugatzeko eta antolatzeko zerbitzuaren kontratua,

Kontratuan eragina dute ondorengoek: 463/2020 Errege Dekretuaren 7. artikulua (pertsonen zirkulazio-askatasuna mugatzen da, a) eta h) bitarteko paragrafoetan zerrendatutako jarduerak egiteko izan ezik), 10 artikulua (agintari eskudunaren iritziz kutsatzeko arriskua ekar dezakeen edozein jarduera edo establezimenduen etetea).

Enpresa kontratistak, 2020-04-03an, behar bezala arrazoitutako idazki baten bidez eta 8/2020 Errege Lege Dekretuaren 34. artikulua kontratua eteteko eskatzen du.

Adierazitako arrazoiengatik, argi dago kontratua ezin dela gauzatu. Ondorioz, eskatutako kontratua etetea onartu da. Etenaldia 2020-03-16tik aurrera izango da (2020-03-14an zerbitzua eman zen), osasun-krisia amaitu arte.

10.- Usurbe antzokia eta erakusketa aretoa kudeatzea eta ustiatzeari buruzko kontratua,

Kontratuan eragina dute ondorengoek: 463/2020 Errege Dekretuaren 7. artikulua (pertsonen zirkulazio-askatasuna mugatzen da, a) eta h) bitarteko paragrafoetan zerrendatutako jarduerak egiteko izan ezik), 10 artikulua eta Eranskinak (zineak eta erakusketa gelak)

Enpresa kontratistak, 2020-04-03an, idazki bat aurkeztu du kontratua partzialki eteteko eskatuz (ez du justifikatu zergatik etetea partziala den), aipatutako 34 artikuluan adierazitako baldintzak aipatu gabe. zerbitzu-kontratuak eteteko. Zerbitzu-emakida kontratuaren oreka ekonomi-

koa berrezarri nahi duzu.

Une honetan ez da egokia kontratu-motari eta etetearen ondorioei buruzko iritzia ematea, baina 463/2020 Errege Dekretuak hartutako neurrien arabera, kontratua etetea erabaki da. Etenaldia 2020-03-14an hasiko da, osasun-krisia amaitu arte.

Hirugarrena. Kontratazio-organoak etenaldiaren amaiera jakinaraziko die kontratistei, etenda geratu diren kontratu guztietarako.

Laugarrena. Etendako kontratuen kasuan, kontratistak etete-aldian benetan jasandako kalte eta galeren ordainketa, bidezkoa bada, kontratu-erantzukizunaren espedientean gauzatuko da, kontratistak hala eskatuta, eta kontratistak modu frogagarrian egiaztatu beharko du datu eta galeren egiazkotasuna, eraginkortasuna eta zenbatekoa.

Bosgarrena. Aurreko puntuetan adierazitakoaren ondorioz kontraturen bat gauzatzeko epea aldatu edo luzatu behar bada, ondorio horietarako espedienteak ere bideratuko dira.

Seigarrena. Akordio honen berri ematea akordio honen eraginpeko kontratistei, haren aurka aurkez daitezkeen errekursoak adierazita.

Hitz egiteko txanda eman ondoren, bildutakoek proposamenarekiko ondorengoa adierazi dute:

Eva Alvarez andreak (Socialistas Vascos-Euskal Sozialistak), lorazaintzako kontraturekiko galdetu du kontratuaren zerbitzuburuak lanak zuzentzen dituen ala ez, entzun duelako kale garbiketakoekin lana egiten duela eta telematikoki.”

Alkate jaunak (EAJ-PNV): “Yo tengo la información que me ha transmitido el jefe de servicios municipal, esto es, han acordado que los trabajos a realizar son los de desinfección y las medidas de protección que tienen que adoptar para trabajar. A la pregunta de, en la propia contrata quien coordina los trabajos y cómo, en estos momentos no puedo responder, pero preguntaré al jefe de servicios municipal y te responderé. En cualquier caso entiendo que estas personas un encargado necesitarán.”

Eva Alvarez andreak (Socialistas Vascos-Euskal Sozialistak): “No entiendo muy bien cómo queda el contrato de la gestión del cine Usurbe. Me genera duda.”

Idazkari andreak: “Beraiek eskatu dute kontratua partzialki etetea, beraien esanetan lan batzuk burutzen ari direlako. Zinea itxita dagoenez, begien bistakoa da, kontratua osotasunean ezin dela bete. Gertatzen dena da, beraiek etete partziala eskatzen dutenean adierazi dute *zerbitzu emakida kontratua* dela (contrato de concesión de servicios) eta horren ondorioz eskatu dute alarma egoera amaitutakoan, kontratuaren oreka ekonomikoa aztertzea. Baina hori ez da horrela. Zer gertatzen da?. *Zerbitzu emakida kontratuen* kasuan, Gobernuak onartutako Errege Dekretuaren arabera, ez dagokio kalteordainak eskatzea baizik eta kontratuaren oreka-ekonomikoa berraztertzea eta kontratuaren baldintza berriak onartzea. *Zerbitzu-kontratuen* kasuan aldiz, dagokiona da kalteordainak eskatzea.

Zein da diferentzia, *zerbitzu emakida kontratuen* eta *zerbitzu-kontratuen* artean?. *Zerbitzu emakida kontratuen* kasuan, arriskua dago kontratistarentzat. *Zerbitzu-kontratuen* kasuan, ordea, arriskua murriztua da.

Diferentzia ikusteko adibide modura jarri daitezke, Usurbe zinea ustiatzeko eta Igartza momumentu multzoa ustiatzeko kontratuak alde batetik eta bestetik, Antzizar Kiroldegiaren kudeaketa integrala emateko kontratua.

Lehenengo bi kasuetan (Zinea eta Igartza), Udalak hilero hilero diru bat ordaintzen die kontratistei eta hauek hornitzen dira baita ere sarreren portzentai batetaz (kasu bakoitzean adostutakoa). Udalak hilero ordaintzen dien diru kopuru horretan aurreikusita daude, langileen soldatak eta mantenimendu gastuak.

Hirugarren kasuan (Kiroldegia), kontratistak jasotzen ditu bazkideen kuotak eta Kiroldegian ematen diren zerbitzuengatik erabiltzaileek ordaintzen dituzten prezioak. Kontratistak ez du jasotzen diru kopuru bat Beasain Lantzen-en aldetik, baizik eta kontratista behartuta dago urtero Beasain Lantzen-i kanon fijo bat ordaintzera eta baita ere kanon aldakorra onurak izan ezkerro (adostuta dagoen moduan)."

Alkate jaunak (EAJ-PNV): "Bai, orain esaten dute lan batzuk egiten ari direla eta gero zehazteaz gain zeintzuk diren egindako lan horiek justifikatu egin beharko dituzte eta tekniko arduradunek txostenak egin beharko dituzte horien inguruan. Orokorrean, enpresek ere zalantza asko izan dituzte etetea eskatu ez eskatu, etete hori partziala ala osotasunean den... Orain erabaki hau hartzea tokatzen da eta gero beste estadio batera pasatuko gara. Berdin gertatzen da dirulaguntzekin. Atera nahi dute autonomoek beraien kuotak ordaintzeko dirulaguntzak, alokairuak ordaintzeko...Goiekirekin lanean ari gara eta beste udalerrri batzuk ez bezala (telefono eta helbide ezberdinak jarri dituzte), helbide bakarra jarri dugu: merkataritza@beasain.eus. Horrezaz gain, merkatariei ere deika ari gara laguntza emate arren. Garbi dagoena da, kontzeptu berdinagatik toki batetik baina gehiagokotik ezin dela dirurik jaso"

Nerea Manzisidor andreak (Beasaingo EH Bildu): "GOIKUSEk etete partziala eskatu du esaten duelako lan batzuk egiten ari direla. Errekerimendu bat egin zaie jakin ahal izateko zein lan egiten ari diren?"

Idazkariak esan du kontratuaren arduradunak posta elektronikoaren bidez aipatu duela beraien (GOIKUS) esanetan egiten ari diren lanak, hau da:

1. Zine elkartearekin harremanetan daude. Eusko Jaurlaritzari dirulaguntza eskatzea aztertzen ari dira.
- 2.- Datuak jasotzen ari dira, Facebooken bidez ekintzak proposatzeko.
- 3.- Atzeratuta dituzten txostenak eta agiriak egiten ari dira.
- 4.- Erosketak, ordainketak eta fakturak egiten ari dira.
- 5.- Proiektorearen mantenua eta bertako instalazioen mantenua egiten ari dira.
- 6.- Herritarrak, sarreren inguruan egiten ari diren galderak erantzuten ari dira.
- 7.- Segurtasuna bermatzeko baliabideen jarraipena egiten ari dira.
- 8.- Horniketen ordainketak eta segurtasun instalazioen mantentzen dituzte.
- 9.- Garbitzailea lanean ari da bere lanaldiaren %100ean.
- 10.- Laguntzaileetako bat bajaran dago eta bestea eskatutako ERTEaren erantzunaren zain.

Alkate jaunak (EAJ-PNV): "Jakina da lan batzuk egin behar dituztela. Nik uste dut zailtasuna izango dela lan horiek zein portzentai suposatzen duten."

Nerea Manzisidor andreak (Beasaingo EH Bildu): "Ez duguna ikusten da zein da diferentzia ALDABEren kontratuarekin, zeren eta hauei partzialki etetea onartzen zaie eta aldiz, zineko kontratuan bakarrik jartzen du, kontratua etetea."

Idazkariak esan du proposamena horrela idatzi zela, ALDABEren kasuan ez bezala, GOIKUSEk bere idatzian ez zituelako aipatu zeintzuk diren egiten ari diren lanak, baina kontuan izanda kontratuaren arduradunak bidalitako e-maila, onartu daitekeela kontratua partzialki etetea.

Alkate jaunak (EAJ-PNV): "Bai horrela da baina gertatu daiteke baita ere beraiek esatea hainbat lan egin dituztela eta guk hori ez onartzea, adibidez garbiketaren kasua, orain %100ean izatea ez dela tokatzen esango nuke".

Nerea Manzisidor andreak (Beasaingo EH Bildu): "Errekaudazioari buruzko kontratua ere eten egin da. Gure zalantza da nork egin behar dituen gero lan hauek."

Idazkariak esan du, epe administratiboak etenda geratu direnez lanean ez dutela jardun. Hasieran esan bazuten ere lanak aurreratu zitzaketela aplikazio informatikoak jarri ezkerro etxetik lan egiteko moduan, hori ez dela egin eta horren ondorioz lanik egiten ez dutenez, kontratua etetea eskatu dutela. Egitasmo Orokorreko eta arkitektoaren kontratuei eman zaien tratamendua ere emateko aukera egongo zen. Azken finean, epe administratiboak etenda egoteak, lanaren berandutzea dakar eta proposatzea egongo zen kasu honetan ere kontratua luzatzea, alarma egoeran etenda egon den deboran, baina espediente-kontratazio hau Kontentziosoan dago eta Epaia ematen bada kontratua amaitu baino lehen (irailaren hasiera) eta agintzen badu kontratua bertan behe-ra uztea, kontratua luzatze horrek ez luke ezertarako balio izango.

Nerea Manzisidor andreak (Beasaingo EH Bildu): "Hizkuntza errefortzua. Zalantzak ditugu, alde batetik, ea on-line eman dezaketen eta bestetik kontratuaren helburua hizkuntza errefortzua ematea denez, suposatzen da umeei laguntza eskaini behar zaiela. Horrekin pentsatu dezakegu, gurasoei karga bat jartzen zaiela eta agian umeei ere frustrazio puntu bat izan dezaketela. Enpresak aurkeztutako idatzia apirilaren 2koa da. Beraz, ez dakigu martxoaren 14tik apirilaren 2ra bitarteko zerbitzua eman den eta eman bada, nola. Zaharrentxoei lan bat bidaliko zaiela esaten da eta txikiei marrazki bizidunak euskaraz ikustea, aholku modura. Benetan, ez dakigu."

Alkate jaunak (EAJ-PNV): "Orokorrean da haria mantentzea eta ez etetzea. Nahiz eta gurasoek ezin lagundu, helburua da euskararekin harremana mantentzea. Banan banan neurtzen ari dira eta batez ere nekeza suertatzen ari da, batez ere, txikienekin. Helduekin, baliabide gehiago dituzte. Gertutik ikusi beharko da ahalegin honek merezi duen ala ez. Erabaki orokorra izan zen; ahal dela segi."

Nerea Manzisidor andreak (Beasaingo EH Bildu): Gure asmoa ere izango litzateke ahal bada, jarraitzea baina gurasoentzat karga bat izan gabe eta jarraipena eginez, zeren ikastetxeetan ere ikusi da etxetik lana egiteko denek ez dituztela baliabideak."

Alkate jaunak (EAJ-PNV): "Ikastetxeekin harremanetan jarri gara, etxetik lana egiteko ikasleek zuten zailtasunarekiko eta oso gutxi ziren."

Esateko besterik ezean, bozketa egin da eta aho batez onartu da proposamena zehaztuz Usurbe zinearen kasuan, kontratuaren etetea partziala izango dela.

Eta tratatzeko besterik ezean bilera zortziak eta hogeian amaitu d eta nik, idazkari naizen honek, akta hau idatzi eta sinatu dut.